

يا مولانا

فى رثاء الشاعر الكبير د.حسن فتح الباب

قفلت الباب

و كان بابك دوام مفتوح

يلم الطير من المنفي

يغني لهم براح الروح

يا فتح الباب يا مولانا

يا بلسم وقتنا الجارح

و كسوه عضمنا المجروح

يا فارس من زمن طيب

و كان وثاب

سبقت الخطوه بامبارح

و انا اللي كنت مستني

ادق الباب

-بناديلك بصوت شاعر-من القسوه

ضعيف مبجوح

انا البكاي و متبعتر في شوك الروح

أناديلك

يا قطب الشعر يا مبدع

فهل تسمح
دبيب الحزن بيشعشع
ما بين الضلع و الثاني
و أهى جاتنى فى ليل الغربه او جاعك
بميت كسره و ميت حيره
و كنت الواصل المعدود
تفوت فى الضلمه
تضحك لك ميلاد الضى
تفوت فى. الضى تفتح لك بلاد و بلاد
و كنت الزاهد الوداد
و كنت البيت لاحبابك
و كنت الزاد
يا فتح الباب يا مولانا
انا شايفك بتتبسم
جميل الطلعه و تنسم
على الدنيا نسيم هادى
ح اغنى لك
حنين الشمس و الميه
و خضره زرع مرويه

و احلام. العذاري الغيد
وهبت الارض اخلاصك
و رحت بعيد
يا فارس من زمن طيب
و كان وثاب
سبقت الخطوه بامبارح
و انا اللي كنت مستني ادق الباب

فوزي عيسى